



Na osnovu člana 70. i 147. Zakona o organizaciji organa uprave u Federaciji Bosne i Hercegovine („Službene novine FBiH”, broj: 35/05), a u vezi sa članom 69. stav (1) tačka a), člana 70. st. (1), (3) i (6) Zakona o javnim nabavkama („Službeni glasnik Bosne i Hercegovine”, br. 39/14, 59/22 i 50/24), te preporuke Komisije za javne nabavke Ureda za zajedničke poslove Vlade Unsko-sanskog kantona u toku 2025. godine, donosim

O D L U K U
o izboru najpovoljnijeg ponuđača

Član 1.

Prihvata se Preporuka Komisije za javne nabavke Ureda za zajedničke poslove Vlade Unsko-sanskog kantona u toku 2025. godine za predmet ugovora „Nabavka usluga kasko osiguranja vozila“.

Ugovor iz člana 1. ove Odluke dodjeljuje se najpovoljnijem ponuđaču ponuđaču „ASA Central osiguranje“ d.d., Trg međunarodnog prijateljstva 25, 71000 Sarajevo, prema Ponudi broj: 057239/25 od 1. 12. 2025. godine u ukupnom iznosu od 22.500,54 KM.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.vladausk.ba.

Obrazloženje

Ured za zajedničke poslove Vlade Unsko-sanskog kantona (u daljem tekstu: Ugovorni organ) donio je Odluku, broj: 22-45-14022-1/25 od 19. 11. 2025. godine, kojom je pokrenuo postupak javne nabavke „Nabavka usluga kasko osiguranja vozila“ putem konkurentskog zahtjeva za dostavu ponuda.

Nakon donesene Odluke, Ugovorni organ je pripremio tendersku dokumentaciju broj: 22-45-14022-2/2025 od 19. 11. 2025. godine, koju je zajedno sa Obavještenjem o nabavci, broj: 928-7-2-96-3-58/25 od 19. 11. 2025. godine, 928-7-2-96-8-60 od 24.11.2025. godine te 928-7-2-96-8-62/25 od 28.11.2025. godine objavio na Portalu javnih nabavki. Rok za dostavljanje ponuda je 5. 12. 2025. godine do 12,00 sati.

Po isteku roka za podnošenje ponuda za predmetnu nabavku pristigle su 3 ponude u predviđenom roku i to:

1. ASA Central osiguranje d.d. Trg međunarodnog prijateljstva 25, 71000 Sarajevo
2. Sarajevo-osiguranje d.d. Maršala Tita 29, 71000 Sarajevo
3. Adriatic osiguranje d.d. Trg Maršala Tita bb, 77000 Bihać

Komisija za javne nabavke Ureda za zajedničke poslove Vlade Unsko-sanskog kantona, u predmetnom postupku pregleda i ocjene ponuda utvrdila je da su u predviđenom roku zaprimljene tri ponude.

Budući da je za ponudu ponuđača Sarajevo-osiguranje dd. Maršala Tita 29, 71000 Sarajevo, bilo neophodno zatražiti pojašnjenje neprirodno niske cijene i ispravku računske greške, to je i učinjeno aktom broj: 22-45-14022-8/25 dana 8. 12. 2025. godine.

Dana 11. 12. 2025. godine, navedeni ponuđač je svojim aktom broj: 01-9577/25 dostavio akt naslovljen kao „obrazloženje/pojašnjenje neprirodno niske cijene“ bez dostavljenih dokaza na osnovu Obrasca za cijene ponude (Aneks 3) za svaku stavku pojedinačno u skladu sa tarifom o propisima regulatora. Također istim aktom je dostavljeno pojašnjenje odnosno prihvatanje računske greške.

S tim u vezi, za Komisiju za javne nabavke Ureda za zajedničke poslove Vlade Unsko-sanskog kantona prednje navedeno nije prihvatljivo da mi moglo biti mjerodavno u postupku te se navedena ponuda odbija.

U odnosu na sadržaj iznesenog, Komisija jednoglasno predlaže sekretaru Ureda za zajedničke poslove Vlade Unsko-sanskog kantona da Ugovor „Nabavka usluga kasko osiguranja“ dodijeli ponuđaču „ASA Central osiguranje d.d. Trg međunarodnog prijateljstva 25, 71000 Sarajevo,“ prema Ponudi broj: 057239/25 od 1. 12. 2025. godine u ukupnom iznosu od 22.500,54 KM.

Ugovor se dodjeljuje ponuđaču koji je dobio najveći ukupan broj bodova, u skladu sa formulom naznačenom u tenderskoj dokumentaciji.

U odnosu na prednje izneseno, prema preporuci Komisije ugovorni organ dodjeljuje ugovor za „Nabavka usluga kasko osiguranja vozila“, ponuđaču „ponuđaču „ASA Central osiguranje“ d.d., Trg međunarodnog prijateljstva 25, 71000 Sarajevo, prema Ponudi broj: 057239/25 od 1. 12. 2025. godine u ukupnom iznosu od 22.500,54 KM.

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od deset dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.

SEKRETAR UREDA

Elyis Beganović, dipl.ecc.

Broj: 22-45-14022 -10/25
Bihać, 19. 12. 2025. godine